



TOSHKENT DAVLAT YURIDIK UNIVERSITETI REKTORINING B U Y R U G ' I

22.05.2023

312-tm-son

Talabalar safidan chetlashtirish to'g'risida

Bugungi kunda universitetda yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet faoliyati haqida noto'g'ri munosabat, fikr-mulohaza shakllanishiga, universitet obro'siga, universitetda yaratilayotgan ochiq-oshkoralik siyosatiga zarar yetkazadigan qasddan harakatlar qilinib universitet Odob-axloq kodeksida belgilangan me'yorlarni buzish holatlari kuzatilmoqda.

Jumladan, Ommaviy huquq fakulteti 3-kurs talabasi Samadov Asadbek Tojiddin o'g'li tomonidan universitet nomini hamda akademik halollik va korrupsiyaga qarshi kurash faoliyati samaradorligiga salbiy ta'sir ko'rsatuvchi noo'rin ma'lumotlarni ijtimoiy tarmoqlarda joylashtirganligi aniqlandi.

Talaba A.Samadov o'z Instagram sahifasiga universitetni tanqid qiluvchi videolarni joylab, universitet talabalarida va unga aloqador bo'lmagan ommada universitet haqida noo'rin tushunchalarning paydo bo'lishiga olib kelgan. Bundan tashqari, videolar izohlarida universitet sha'nini himoya qilgan talabalarning ustidan kulib, Toshkent davlat yuridik universitetiga o'qishga hujjat topshirmoqchiligini bildirib izoh qoldirgan kuzatuvchilarga, ular adashayotganliklarini bildirib javob yozgan.

Universitet Odob-axloq komissiyasi a'zolari tomonidan talaba A.Samadovdan mazkur holat yuzasidan tushuntirish olinganida, u ushbu Instagram sahifasini shunchaki hazil uchun yuritgani va umuman universitet sha'niga dog' tushirish niyati bo'lmagani, Universitet haqidagi videolarning barchasi shunchaki hazil ekani, talabalarning stipendiyasi berilmasdan, universitet uni aylantirayotganligi va prorektor hamda bosh buxgalter obrazi mavjud bo'lgan videoni rolikni o'zi yasamagani, shunchaki unga kelib qolgan videoni kanalga joylaganini bildirdi.

Talaba Samadov Asadbek Tojiddin o'g'li o'zining yuqoridagi xatti-harakatlari bilan Oliy ta'lim to'g'risidagi nizomning (ro'yxat raqami 1222, 2003-yil 22-fevral) 43-bandi hamda Toshkent davlat yuridik universiteti Odob-axloq

kodeksining 14-moddasi (o'z harakatlarini Universitet manfaatlarini ko'zlab amalga oshirish, uning imijini saqlash va oshirish, Universitet, uning xodimlari, talabalari va doktorantlari nomi va manfaatlariga ziyon yetkazadigan harakatlarni amalga oshirmaslik, shuningdek, ular bilan muloqot qilganda hamda ijtimoiy tarmoqlardagi yozishmalarida o'zlarining namunali xulq-atvori bilan Universitet haqida yuksak ijobiy taassurot uyg'otish; Universitet, uning xodim, talaba va doktorantlari haqida haqiqatga to'g'ri kelmaydigan yoki noto'g'ri talqin qilingan, noto'g'ri talqin qilish uchun imkon beradigan ma'lumotlarni tarqatmaslik, bunday ma'lumotlar tarqalishiga yo'l qo'ymaslik, shuningdek, jamoat oldida va ijtimoiy tarmoqlarda bu mavzuda chiqishlar qilmaslik; xodim, talaba va doktorantlarning ta'lim jarayonidagi faoliyati va kasbiy harakatlarini asossiz tanqid qilmaslik, jamoat oldida chiqishlar, shuningdek, ommaviy axborot vositalari va turli xil ijtimoiy tarmoqlarda davlat hokimiyati va boshqaruvi organlari va Universitet faoliyati, uning xodimlari harakatlarini haqiqatga to'g'ri kelmaydigan, asossiz va aniq dalillarga asoslanmagan holda muhokama qilmaslik va ular haqida baho berib, fikr-mulohazalar bildirmaslik), 16-moddasi (umumbashariy va milliy qadriyatlarga xos bo'lmagan yoki Universitet, uning xodimlari nufuziga putur yetkazadigan materiallarni Internet tarmog'i va boshqa ijtimoiy tarmoqlarga joylashtirish yoki ulardan turli nomuvofiq maqsadlarda foydalanish; Universitet faoliyati, uning xodimlari hamda talabalari sha'ni va qadr qimmati hamda ishchanlik obro'siga salbiy ta'sir qiluvchi haqiqatga to'g'ri kelmaydigan, asossiz va tekshirilgan dalillarga asoslanmagan turli xil ko'rinishdagi ma'lumot, fikr, mulohaza va munosabatlarni Internet, ijtimoiy tarmoqlar, shuningdek, boshqa ommaviy axborot manbalarida, tarqatuvchilarda, tashuvchilarda paydo bo'lishi (oshkor etilishi)), 26-moddasi (Universitet obro'-e'tibori va nufuziga dog' tushiradigan har qanday harakatlarni sodir etishdan o'zini tiyish)da belgilangan qoidalarini qo'pol ravishda buzgan.

Yuqoridagilarni inobatga olib, O'zbekiston Respublikasi Vazirlar Mahkamasining 2017-yil 20-iyundagi 393-son qarori bilan tasdiqlangan Oliy ta'lim muassasalari talabalari o'qishini ko'chirish, qayta tiklash va o'qishdan chetlashtirish tartibi to'g'risidagi nizomning 36-bandi "g" kichik bandi, Oliy ta'lim to'g'risidagi nizomning (ro'yxat raqami 1222, 2003-yil 22-fevral) 51-bandi, Toshkent davlat yuridik universiteti Odob-axloq kodeksining 14, 16, 26-moddalari hamda universitet Ichki tartib qoidalari (ichki mehnat tartibi qoidalari)ning 83-bandiga asosan shuningdek universitet Odob-axloq komissiyasi xulosasiga muvofiq,

BUYURAMAN:

1. Universitetning Ommaviy huquq fakulteti 3-kurs talabasi Samadov Asadbek Tojiddin o'g'li talabalar safidan chetlashtirilsin.
2. Talaba Samadov Asadbek Tojiddin o'g'lining talabalar safidan chetlashtirish masalasi universitet Talabalar assotsiatsiyasi bilan kelishilganligi inobatga olinsin.
3. Fakultet dekanlari (Sh.Saydullayev, D.Umarxanova, D.Kamalova, B.Musayev, A.Babadjanov);

mazkur buyruq mazmun-mohiyatini talabalar e'tiboriga yetkazilishi va har bir akademik guruhda keng muhokama qilinishini ta'minlasin;

talabalarni universitetda belgilangan tartib qoidalarga doimiy rioya etishlarini nazorat qilib, bu borada tushuntirish ishlarini olib borsinlar;

talabalarining ijtimoiy tarmoqlardagi yozishmalarini tahlil qilib borish, bu borada ularning ota-onalari bilan tizimli ishlash choralarini ko'rsin.

4. Ommaviy huquq fakulteti dekani (Sh.Saydullayev) mazkur talabaning shaxsiy hujjatlar yig'ma jildlariga buyruq nusxasi tikilishini ta'minlasin.

5. Mazkur buyruq bajarilishini nazorat qilish Yoshlar masalalari va ma'naviy-ma'rifiy ishlar bo'yicha birinchi prorektor A.Xashimhonovga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

SH.SAYDULLAYEV

**Kelishildi:**

Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Direktor

SH.PO'LOTOV



Katta yuriskonsult

A.TURSUNOV

